

周  
官  
析  
疑

周官析疑卷之三十

校人

凡頒良馬而養乘之乘馬一師四圉三乘爲阜阜  
一趣馬三阜爲繫繫一馭夫六繫爲廐廐一僕夫  
六廐成校校有左右駑馬三良馬之數麗馬一圉  
八麗一師八師一趣馬八趣馬一馭夫

養之事如良馬師圉校多芻秣異等之類乘之  
事如齊道戎田德力毛足各有所宜之類注  
謂趣馬下士馭夫中士則僕夫上士疏以序官

有馭夫趣馬圉師而無僕夫因疑校人所屬別  
有僕夫而文闕後儒又謂卽五路之僕似俱未  
安大馭戎僕各二人皆中大夫與小宰小司馬  
爵同卽齊僕下大夫二人亦不宜下兼廐馬以  
事理推之道僕田僕上士皆十有二人更番代  
御無事之日多故左右二校各以六人兼攝與  
天官內司服縫人職之女御卽取諸御叙於王  
之燕寢者畧同經不特文以見其爲道僕田僕  
何也序官馭夫與二僕相次而列於校人之前

則僕夫卽道僕田僕亦可見矣。蓋有事則道僕  
田僕御王車、馭夫御貳車、無事則分掌廄繫其  
職同也。若趣馬則專掌芻養之節，故列校人之  
後而爲官中之屬。注謂校有左右，則良馬每  
種四百三十六匹，不知此計兩廄所容馬數耳。  
非謂每種數必齊同也。蓋物雖有五而用之則  
止四事，若齊道戎田各有定數而分二廄，則種  
馬一類安所用之哉？以事理推之，王之齊路道  
路及副車從車出入宮庭，更番駕脫數不過百。

至玉路惟共郊祀則其用尤稀三者必以種馬之德優者充之其餘皆以供戎田之用耳田以習戎自軍帥及親者貴者之車皆宜用種馬使更番調習至於軍旅會同巡狩則四路皆從加以戎路廣車闕車萃車輕車之萃其數當十倍於齊馬道馬春秋傳楚之游闕從在師中者四十乘由是觀之齊馬道馬並駕玉路者合之尚不足以充三廄其餘種馬各分散於戎馬田馬諸廄之中以領之而六校十二廄皆良馬也注謂六馬各一廄則

駑三倍、非二廩所能容、而於經文別言駑馬而無僕夫、亦不可通矣。注以一種之數三之爲千二百九十六匹、本無可疑、而羣儒多謂駑馬宜三倍於五種之數、非也。古者軍旅之馬、皆邱甸白具。卿大夫兵車各有定賦、良馬五物、惟以駕王之乘車、貳車從車耳。其任載則有牛車、有人輦、駑馬所共、不過畿內小吏單騎及役車之用耳。取於千二百九十六匹之中、綽有餘裕矣。三倍於五種、何所用之哉。古今事實不同、不可

不突也

天子十有二閑馬六種、邦國六閑馬四種、家四閑馬二種

舊說諸侯有齊馬、道馬、田馬、大夫有田馬各一閑、其駑馬皆分爲三、但諸侯不應竟無種馬、戎馬特所畜不多、故合種馬、齊馬爲一種、戎馬田馬爲一種、家則良駑各一種耳、初試爲大夫者、畜馬止一乘、等而上之、雖十倍止四十匹耳、百乘之家、據其采地所出言之、私家安得有馬至

八百六十四匹之多也。况大夫出聘私覲之馬，公家具之，經特言天子邦國與家等殺之大槩耳。

凡馬特居四之一

陳氏謂牝牡雜則不可以駕，此謂養馬時不知牝牡共槽棧亦蹄齧不可養。惟注三牝一牡欲其乘之一性相似爲近，然果爾則經文當日凡馬乘匹牡居四之一，其義乃著以近代之法證之。民間所畜多牝馬，其牡駒則扇九而存一以



爲特以非扇。雖單騎亦難控制也。况欲服之。騶之。而齊其任乎。先王愛物之政。則扇三而存一。對扇而言。故不曰牡而曰特也。所存之特既少。則通淫時以一特。將三牝。義亦可以該矣。見於詩者。戎車田車使車皆用四牡。則玉路齊路。道路可知。漢時閭閻聚會。不乘字牝。則國馬雖驚。亦無取牝之義。疑十二閑皆牡馬也。其牧地所畜之馬。則宜數倍於此。取爲犧牲。則地官之牧人掌之。犧牲亦不用牝。以禮賓客及國使之幣馬。則旋

以廋人所教之駢補之。若公馬止於十二閑所畜，則每歲幣馬必耗其半，或三之一矣。且遊牝時三倍於特之牝，將於何取之哉。

夏祭先牧，頒馬攻特。

攻特之說，先鄭得之。若繫維使不得乘匹，則舂執駒是也。扇馬必於爲駒時，謂氣血易長而不傷。旣乘匹而後扇，則有不能全活者。而性不若駒之良，竟不扇，則終不可乘用。故廋人攻其爲駒者，而校人於通淫後，并攻其特。

秋祭馬社、減僕冬祭馬步、獻馬講馭夫。

減僕謂卽於馭夫內書其善者以補道僕、田僕之闕至齊僕必上士清直久著乃升爲下大夫、大馭戎右則才德出衆然後任焉。

飾幣馬

諸侯來朝王賜車服必以馬從、又或加賜有馬而以幣將、皆校人飾之也、疏據覲禮王勞侯氏以璧、謂王家遺人無庭實非也、覲禮最畧未至王郊以前禮皆闕、必已見於春朝夏宗也、賜車

服之後繼之曰重賜無數安知重賜中無馬與幣以前見於春朝夏宗而無庸覆舉乎經云幣馬乃據覲禮所未詳而斷爲有幣而無馬固矣凡將事于四海山川則飾黃駒

大宗伯職玉及牲幣各倣其方之色疑止據四望五嶽四鎮四瀆之正祭而言若行過山川及崩竭而有所禱其地或在偏隅間於二方故並川黃駒以地之色統之與

凡軍事物馬而頒之

文不承毛馬之後者、自飾幣馬至共幣馬、皆齊色也。詩曰：路車乘黃。書曰：布乘黃朱。是幣馬必齊色也。詩曰：駟鐵孔阜。又曰：四黃既駕。是田馬亦齊色也。遣車之馬以芻靈則同色、不待言矣。六月之詩曰：比物四驪。謂物既比而色又齊。見馬之盛也。牧野之師用四駟。蓋君所乘、其餘則皆齊力。

等馭夫之祿、宮中之稍食。

宮當作官、字誤也。他職有府史、此更有師圉之

屬故以官中諒之與秋官士師掌官中之政令  
同義不得爲官若春官小胥序官中之事則義  
不得爲官詳見本職

趣馬

掌贊正良馬

同曰良馬而其性質血氣於五路各有所宜用  
非其宜則當正之趣馬朝夕拊馴知之審矣故  
校人辨六馬必使贊正焉所以下無匿情事無  
遺便也

牧師

凡田事贊焚萊

山虞澤虞職無焚萊之文而蒐田有火弊則焚萊者虞人可知矣曰凡田事者王時田而外甸稍縣都宜蒐獸之地應不禁其焚萊牧師通掌畿內之牧地具知其宜焚之處故凡田者皆受令於山澤之虞而又使牧師贊焉野人若無所稟而焚萊則司燿有罰矣

度人

掌十有二閑之政教以阜馬佚特教駢攻駒  
先王制禮馬將乘匹則佚之而不任人將娶妻  
則止於外而不使皆所以盡人物之性

### 正校人員選

廋人下士而使正校人員選者每閑二人則趣  
馬馭夫僕夫才智可以相長性質各有所宜知  
之審矣與趣馬之得贊正良馬同義或疑廋人  
所正惟師圉趣馬以上之員選不宜轉使廋人  
正之且謂漢以刺史察郡守明以御史糾督撫



乃後世防姦之術非先王禮意然詳考五官如  
司士詔爵詔祿內史以八枋詔王治司會掌典  
法則以逆邦國都鄙官府之治宰夫掌百官府  
之徵令上及正與師小司徒頒教法鄉大夫以  
六卿承而受之當官行法不問尊卑政教之所  
以無壅黜陟之所以不枉實由於此何獨於虞  
人之正員選而疑之

圍師

射則充楛質茨牆則翦闔

以其習於莖草、故使充樵質、習於爲房、故使窮  
闔、樵質宜以木爲之、而空其中、以知草實焉、蓋  
古者射有襄尺、井儀必以草充質、然後矢之貫  
質者、始能如樹、羣儒謂盤草爲質、非也、甲革、棋  
質、取貫堅也、而以草盤、則義不可通、

職方氏

掌天下之圖、以掌天下之地、辨其邦國、都鄙、四夷、  
八蠻、七閩、九貉、五狄之人民、與其財用、九穀、  
六畜之數、要周知其利害、

山師川師所辨之利害。謂設險之要害也。土訓  
誦訓所道地。慝方慝。謂惡物汚俗之害也。知其  
害則利可興。開道通津則疆圉之利也。除惡革  
汚則禮俗之利也。職方通掌九畿必周知之。然  
後封守可定。政教可頒。

東南曰揚州。其山鎮曰會稽。其澤藪曰具區。其川  
三江。其浸五湖。其利金錫竹箭。其民二男五女。其  
畜宜鳥獸。其穀宜稻。

川起西北去東南絕遠。故首列之以志風教之

所暨也。吳楚有道後服，無禮先強，終焉之世爲禍災於中夏。故職方所記以險遠爲先。鎮者其山高大爲一州之望，若能鎮壓之也。水瀰漫而灘淺草盛者曰數窪，下而鍾水可以爲陂灌漑者曰浸。會稽在浙江紹興府東南，具區卽禹貢震澤，今所稱太湖也。三江岷江、松江、浙江也。岷江雖發源於梁州而入揚州之界，則合安池、宜昇、潤、真諸州之水而環其北。松江合嘉湖、蘇、常諸州之水，居其中。浙江合衢、徽、嚴、杭諸州之

水在其南揚州之川未有大於此者五湖無考  
既列具區則以太湖旁五湖當之非也九州  
男女之數所以皆可凡數者司民自生齒以上  
皆書於版而諸侯歲獻民數則按籍可稽矣所  
以具列於職方者男女偏多偏少之地所以差  
其征役紀其作業者政教不得而同也

正南曰荊州其山鎮曰衡山其澤藪曰雲夢其川  
江漢其浸潁湛其利丹銀齒革其民一男二女其  
畜宜鳥獸其穀宜稻

顧景范曰、衡山在湖廣衡州府衡山縣西、雲夢  
在湖廣德安府城南、江水發源四川成都府茂  
州西北之岷山、歷梁荆揚三州、至今南直揚州  
府海門縣東入海、漢水發源陝西漢中府沔縣  
西嶓冢山、至湖廣漢陽府城東北入江、潁水發  
源河南府登封縣東陽乾山、至南直鳳陽府潁  
州潁上縣入淮、潁未詳、今河南汝州境內有潁  
水、潁、潁本在禹貢豫州之域、

河南曰豫州、其山鎮曰華山、其澤藪曰圃田、其川

榮維其浸波澁其利林漆絲泉其民二男三女其  
畜宜六擾其穀宜五種

頽澁二字疑傳寫互譌、豫州當曰頽波、荊州當  
曰澁澁、鄭注似不可破、

正東曰青州其山鎮曰沂山其澤藪曰望諸其川  
淮泗其浸沂沭其利蒲魚其民二男二女其畜宜  
雞狗其穀宜稻麥

顧景范曰沂山在青州府臨朐縣南、孟諸在河  
南歸德府虞城縣、禹貢屬豫州、淮水發源河南

南陽府唐縣東南桐栢山至江南淮安府安東  
縣東北入海泗水出兗州府泗水縣東陪尾山  
至江南淮安府清河縣南入淮今名南清河沂  
水出青州府莒州沂水縣西北雕厓山至淮安  
府邳州南入泗沭水出臨朐縣沂山至淮安府  
安東縣西入淮

河東曰兗州其山鎮曰岱山其澤藪曰大野其川  
河沛其浸盧濰其利蒲魚其民二男三女其畜宜  
六擾其穀宜四種



顧景范曰岱泰山也在濟南府泰安州北大野  
在兗州府濟寧州鉅野縣東河從西域崑崙山  
至陝西西寧衛積石山乃入中國歷雍豫冀兗  
四州之域東北入海今從東南合淮入海濟水  
發源河南懷慶府濟源縣西王屋山至山東濟  
南府濱州利津縣東入海亦曰大清河盧水在  
濟南府長清縣西廢盧縣境濰水出青州府莒  
州西北箕屋山至萊州府濰縣東北入海禹貢  
屬青州

正西曰雍州其山鎮曰嶽山其澤藪曰弦蒲其川涇汭其浸渭洛其利玉石其民三男二女其畜宜牛馬其穀宜黍稷

顧景范曰嶽山在陝西鳳翔府隴州南弦蒲在隴州西涇水出陝西平涼府城西南笄頭山至西安府高陵縣西南入渭汭水出弦蒲藪東北歷平涼府境至西安府邠州長武縣而合於涇渭水出陝西臨洮府渭源縣西烏鼠山至西安府華州華陰縣北入大河洛水出慶陽府城東

北廢洛源縣南流合漆沮二水至西安府同州朝邑縣南入渭通典曰洛卽漆沮也

東北曰幽州其山鎮曰醫無閭其澤藪曰獫狁其川河洑其浸菑時其利魚鹽其民一男三女其畜宜四擾其穀宜三種

顧景范曰醫無閭山在遼東廣寧衛西獫狁在山東登州府萊陽縣在禹貢宜屬青州菑水在濟南府淄川縣東南時水在青州府臨朐縣西河內曰冀州其山鎮曰霍山其澤藪曰揚紆其川

漳其浸汾潞其利松栢其民五男三女其畜宜牛  
羊其穀宜黍稷

顧景范曰霍山在今山西平陽府霍州東南之  
三十里爾雅秦有揚紆此屬冀州未詳漳水有  
二濁漳出山西潞安府長子縣西發鳩山清漳  
出太原府平定州樂平縣西南少山至河南彰  
德府臨漳縣西合焉其下流復分爲二或從北  
直河間府獻縣合滹沱河或從山東東昌府館  
陶縣合衛水汾水出太原府靜樂縣北管涔山

至平陽府蒲州榮河縣西入大河潞水闕輿曰  
卽濁漳也今潞安府城西南二十里濁漳經焉  
土人猶呼爲潞水通典曰潞河在密雲縣卽今  
北直順天府境白河也春秋傳載晉所兼國  
曰狄揚韓魏又曰邗晉應韓武之穆也揚爲晉  
所兼豈邗亦在冀州之域以音同而誤紆與  
正北曰并州其山鎮曰恒山其澤藪曰昭餘邗其  
川虜池嘔夷其浸涑易其利布帛其民二男三女  
其畜宜五擾其穀宜五種

顧景范曰、恒山在北直真定府定州曲陽縣西、北昭餘祁在太原府祁縣東、虜池水出太原代州繁峙縣東北、秦戲山至北直河間府靜海縣北、小直沽入海、嘔夷水出山西大同府蔚州靈邱縣西北、高是山一名唐河、至北直保定府安州北、合於易水、涑水在保定府易州涑水縣東北、亦名北易水、易水在保定府安州城北、名南易水、羣儒謂周分梁州以入雍、豫蓋據禹貢華陽黑水惟梁州而職、方華爲豫鎮、其實非也、

雍梁西境並以黑水爲界、雍州東境際河、故於  
梁州舉華陽以示二州南北、以華山爲界耳、蓋  
梁之北境遙與華山之南相對、非其地直接華  
山也、王氏應電謂梁州未歸化者甚衆、故周公  
以共職貢者分屬荆雍豫三州、而不及以政教  
者不入職方、亦非也、周南德化、首被荆梁、而雍  
梁接壤、服屬尤親、牧野之師、庸蜀盧濮皆從、故  
以附王畿而爲枝輔、與虞夏都冀、遂併營幽於  
冀同義耳、職方列舉九州所利之物產、與禹

貢有無多寡不同何也。禹貢詳邦國之貢物而職方則閭閻所利賴四民所恃以爲生其義各異也。

凡邦國小大相維王設其牧制其職各以其所能制其貢各以其所有。

相維如相朝相聘相賡相弔救災恤患及奉王命以討有罪之類。觀此經則大行人六服所貢各主一物乃入見時所貢而非歲貢之常可知矣。



王殷國亦如之

注王不巡守則六服盡朝謂之殷國據上經曰  
王將巡守此曰王殷國亦如之似巡守與殷國  
爲二事耳不知王將巡守則戒於四方先期之  
事也王之所行先道而巡戒令在途之事也既  
至方岳而殷國則亦如先期之戒令辭事相承  
卽此可徵殷國卽巡守時事鄭氏偶未達耳

土方氏

以辨土宜上化之瀆而授任地者

土宜土化之、澗皆以土之淺深剛柔燥濕風氣之寒燠而異、故土方氏辨之、

### 懷方氏

掌來遠方之民、致方貢、致遠物而送逆之、達之以節、

疏方貢、謂六服諸侯、非也。九服之貢、皆大行人致之。此曰來遠方之民、則非貢使明矣。蕃國之民、以貨物交易者、或貢其方物、亦不拒也。政職以聚百物、故設此官、

合方氏

除其怨惡同其好善

李光坡曰此官皆柔遠人之事除其怨惡者禁  
上著豪強爲商旅患同其好善者彼此地產交  
相好善則貿遷者利其息故其文承通財利同  
數器壹度量之後也上懷方氏來遠方之民此  
官達其道路以濟其不通也懷方氏致遠物此  
官爲之均調使樂往來也

訓方氏

正歲則布而訓四方而觀新物

四方之政事有得失上下之志有異同既以告於王則必褒嘉而飭正之故正歲布以爲訓也。觀新物則利於民用者可使四方倣效之所謂無者使有利者使阜也若作無益害有益則禁絕之所謂靡者使微害者使亡也。司徒之屬有誦訓而復設此職者誦訓所掌獨其國故事此則周知其國政人心俗尙而使王知所以紀其政教也誦訓所掌獨巡守之事而此則布訓

於四方也。惟此職所誦四方之傳道，卽誦訓所  
道。方志蓋此職采而達之，而後誦訓道之。司徒  
所布於邦國者，教典之常也。此所布之訓，則因  
其國政人心俗尚之有偏，而矯革化誘之者。  
形方氏

掌制邦國之地域，而正其封疆，無有華離之地。  
華析也，離麗也。地勢應屬此國，而披於他國，則  
在此爲華，在彼爲離，而統攝難，爭端起矣。故正  
之。

使小國事大國、大國比小國、

諸侯不和、多起於疆場之爭、故事大比小、政教多方而獨繫此職之末、

山師

掌山林之名、辨其物與其利害而頒之于邦國、使致其珍異之物、

名山大澤不以頒、其餘山林川澤仍頒之於邦國、特使王官遙掌之而致其珍異之物耳、原師掌辨邱陵墳衍原隰之名物、乃以建國邑與山

師川師之職異故不言所致之物又原隰皆穀土無珍異之可致也。珍異之物或爲常貢可充祭祀之好羞者或非常之物如玉足以庇嘉穀珠足禦火災及藥物可療疾病者不可必得有則致之非貴異物而以爲玩好也。

遂師

掌四方之地名辨其丘陵墳衍遂隰之名物之可  
以封邑者

封建國也邑制都鄙也五土獨掌其三者邱陵

墳衍皆有穀土可計賦以建國邑山林川澤之  
小者則因其封域計其穀土相其形勢而頒之  
以爲阻固焉。山師川師遼師與地官虞衡閭  
師之職同而事之所主則異。閭師所掌者任地  
而遼師則封國建邑以辨其疆圉。虞衡所掌者  
作山澤之材而山師川師則辨利害以爲設險  
守國之本。蓋五物九等國邑封域雖總於司徒  
而制畿封國則司馬之職。故特設職方形方以  
專掌之。而山師川師佐焉。邦畿之外五地土壤



達於四海間師不能悉辨也。故設邊師與山師。川師司險。掌固聯事而聽於職方。以定城郭溝涂樹渠之分界也。

### 匡人

掌達瀆則匡邦國而觀其慝。使無敢反側以聽王命。

法則冢宰所建。而使司馬之屬達之。且觀其慝。所以警不聽命者。達法則遂足以匡邦國者。使其國之臣皆稟王朝之法。都鄙之吏皆守王朝。

之○則○諸○侯○雖○欲○反○側○而○勢○不○能○行○矣○

擯入

掌誦王志道國之政事以巡天下之邦國而語之  
使萬民和說而正王面

正王面所謂四面而內鄉也。匡人達法則而邦  
國之臣皆凜承乎王。吏擯人誦王志而天下之  
民皆內鄉於京師。此先王養諸侯而兵不試之  
道也。齊魯之衰。民不知君而陪臣各固其私。以  
成篡奪之漸。則知止邪於未形。周官之所慮遠。

矣。

都司馬

以國瀛掌其政學以聽國司馬

政若諸子官伯掌固之所掌學若大司樂之所掌是卽所謂國法也都家士庶子之政學一以王國教胄子之法治之以聽國司馬者有軍事則聽於諸子有守政則聽於掌固也。

家司馬亦如之。

此謂家司馬雖以家臣爲之而平時掌戒令政

學用國法有事聽於國司馬一與都司馬同也  
或以春官序官家宗人如都宗人之數例之謂  
此職之文與序官各使其臣以聽於國司馬互  
錯求以事理之實決不可通蓋都家宗廟社稷  
及都邑四時之常祀與天神地示人鬼物魅之  
特祀於冬夏日至者神示謂分星山川之祀人鬼謂因國前哲之祀皆  
同故上士二人中士四人不得與都異若夫士  
庶子衆庶甲兵之數則雖卿之小都視家衆亦  
四倍焉故上士中士外增設下士八人正以所

統者衆耳。若移職文於序官，則土地人民僅四分之一。而官徒則同，不惟無所用之，且將何以供億乎？移序官各使其臣以聽於國，司馬於本職則戒令政學不能該，而各使其臣義亦無所着。序官所以云爾者，正以見地狹人少，故王朝不別設官，而各使其家臣領之，與都宗人異耳。李光坡曰：大司馬掌邦政，以兵事爲主，故凡兵甲車馬之政，隸御僕從之官。九州邦國之形勝，阨塞要害，皆屬焉。兵事以賞罰爲主，故首司勳。

兵莫重於馬、故馬質次之、政莫重於地、故量人  
次之、次以小子、羊人者、祭祀之事也、繼以司燿  
者、火政、兵事之要也、設險守固、制勝於未形、故  
掌固司險次之、候望譏察、簫勺羣慝、故掌疆候  
人環人又次之、挈壺氏三軍之耳目、故又次之、  
射以武事而備禮樂、自天子以至庶人、皆習焉、  
故射人次之、服不氏射鳥氏、羅氏掌畜、皆因射  
而及之也、司馬辨論官材、司士佐之、六官之師  
旅得其人、則六軍之將帥得其任、諸子之治國

子司右之治戎右皆此意也。自是以下至圍人  
數十職則詳衛王之政。虎賁旅賁夾衛王車節  
服以衛王車而及之也。方相氏以衛室神而連  
類及之也。大僕小臣祭僕御僕隸僕王之出入  
起居皆擁衛於前後左右。故次之王車有五路。  
乘車之冕弁各有宜。故弁師次之。車中甲兵戈  
楛弓矢具。故司甲司兵司戈盾司弓矢繕人橐  
人次之。戎右齊右道右爲車右者。所謂勇士也。  
大馭戎僕齊僕道僕田僕馭夫御車。

謂僕

夫也馬以駕車、校人趣馬、巫馬牧師、廋人圉師、  
圉人皆馬官也。不次於馬質之後者，馬質專掌  
買馬以備軍馬之乏。凡馬之政教皆校人司之  
也。職方土方懷方、合方、訓方、形方以及山師、川  
師、遼師、匡人、擯人皆所以周知天下之土地形  
勢、山川、林澤、原野之險易而施訓道、匡正之法  
所以銷兵於未形、止亂於未萌也。都家司馬以  
國法掌其政學以聽於國司馬故以是終焉。



周官析疑卷之三十一

湘潭陳滄洲

高淳張彝歎同訂

桐城方苞著

新建周力堂

秋官司寇第五

刑官之屬

遂士縣土方士皆別設官而鄉士卽用司寇之屬士者所受國中之獄訟其治在國中也諸官皆上士八人中士十有六人以給官中之事而

司寇之屬士獨兼受國中之獄訟者諸官之事  
紛秋官則所掌惟獄訟而四郊之獄訟鄉師聽  
之而後達於鄉士遂之獄訟遂大夫遂師聽之  
而後達於遂士公邑都家之獄訟守土者聽之  
而後達於縣士方士其獄辭皆已定矣其上達  
則士師察其辭小司寇附其法大司寇斷而行  
其令故司寇之屬士雖使兼受國中之獄訟而  
不患其不暇給也四官之事有司分治之使官  
中之士兼之則侵官也則離局也司寇聽獄訟

羣士司刑皆在各麗其法獻其議雖他人所上  
獄訟亦公聽而共成之則雖使兼受國中之獄  
訟而非侵官無離局也且四郊之獄訟鄉師聽  
之必內達於鄉士者以獄之成必取決於司寇  
也國中之獄訟無外訴於鄉師之理故使司寇  
之屬士受之觀此類則聖人精義致用之學見  
矣

遂士

疏謂遂士兼主六遂中公邑之獄訟非也其職

曰各掌其遂之民數而糾其戒令則不兼公邑  
明矣。上獄訟於國司寇聽其成書其成與聽獄  
訟者至都家始有異文則甸稍縣都之公邑並  
掌於縣士可知矣。縣士職與鄉士遂士無異文  
以其爲王朝之吏而所掌公邑耳。遂之士倍  
於鄉何也。鄉地近耳目真遂則稍遠而獄訟之  
遂也遲。所以聽其辭而察之者尤不可以不詳。  
六鄉六遂各七萬五千家其爭訟不附於刑有  
地治者自斷之則達於司寇者宜無多而鄉設

上士八人、遂設中士十有六人、以主聽而辨察焉、蓋惟恐不得其情也。

### 縣士

家稍縣都之公邑、大不過縣、故掌四等公邑之獄訟者、以縣名官宅田士田等在鄉郊者亦宜爲公邑、而知不掌於縣士者、四郊地陋其爲邑也、微且其田多、公卿大夫士以及庶人役國事者受之、其有獄訟必近就國中而取決於鄉士明矣。公邑之貢賦載師執其總而遂人令之。

遂師征之以入於大府、師役則遂人令之、邑長致之、遂人帥之以聽於司徒、功事則遂大夫戒之、歲終令會政、致事於小司徒、以達於治官、獄訟則主縣士以達於司寇、知縣師所徵野之賦、貢惟家稍縣都者、以九賦有家稍縣都而無公邑、則知統於邦甸、又鄉遂公邑之貢賦、掌之者、乃閭師、遂人、遂師也、知縣士所掌獄訟、兼六遂中公邑者、以遂大夫、雖兼掌凡爲邑者之政、令功事而所聽、惟遂之治、訟也、知遂人、遂師職所

謂野乃公邑者以遂人職既曰大喪致六遂之役而又曰凡事致野役也

### 方士

自甸稍至縣置皆有公邑其獄訟紛綸故縣士四倍於鄉士三倍於遂士都家至衆而方士數較少者都家之長各與其士定議附法方士受其成而已

### 職金

秋於五行爲金其用斬刈鐫刻爲多故屬秋官

掌囚

掌囚僅用司圜下士之數。徒亦減四之一。而無胥蓋。拘囚以待刑殺。栖止有定耳。目易周。若罷民則施以職事。所以稽其業緒。糾其爭鬪。防其遁逸者。尤不可以不詳。故士有加。徒有加。而又。有胥以董其徒。惟恐其不能改。而致屏遠。方或出圜土而入於大辟也。

罪隸

古者罪人不孥。而盜賊之子女。不宥。以姦兇之



人或不顧父母兄弟而皆知愛其妻子故以是累其心又使其妻子畏懼警戒而毋動於惡也

### 貉隸

四翟之隸皆慕義而來願留中夏者故因其能而各任以事謂之隸者王宮宿衛宮伯所掌士庶子也旅賁皆命士也虎賁所掌謂之虎士必粗知道藝而有異於胥徒者故於司隸所掌稱隸以別之春秋傳人有十等隸班在六非甚賤也盜賊之子亦使班於四隸者非其身之惡也

不使列於齊民者恐其習爲匪僻也

布憲

大司寇布刑於邦國都鄙與大宰司徒司馬同而特設布憲以表懸於四方邦國何也治教政之有更易者以簡書布於君長有司承令布治施教敷政則不患幽隱之不達矣獄情萬變刑章有因事而增減者有隨時而輕重者自漢唐刑律常有增設若官吏知之而民氓不聞則陷入者多矣故使王官持旌節以表憲所以宣播道路

四方之觀聽也。若小司寇所謂宣布於四方，憲刑禁者，則專指畿內而言。蓋曰羣士則爲鄉士，遂士、縣士、方士、明矣。此職曰詰四方，邦國及內地近，仲冬以後刑獄尙有不宜留者，故夏之正月始布懸之。布憲則自侯衛達於四海，故四方分出以子月巡行，至寅月表懸始徧也。

### 禁殺戮

下士二人，豈能司察畿內之私相殺戮者？其職曰以告而誅之。蓋旣立專司，則怨家及守涂地

之人皆得以告也。其不以有地治者掌之何也。有地治者專司治教所聽不過其地之民。訟地訟必附於刑而後歸於士。此職所掌傷人見血。攘獄過訟皆大違法禁以刑官掌之。則輕者誅罰重者卽歸於士。然後姦民畏法而不敢輕犯耳。

禁暴氏

職所列皆禁於未然之前。使欲爲淫非者不得逞。故官名禁暴。

野廬氏

國野之道、廬宿候館委積皆隸於地官、而刑官掌其幾禁、蓋守涂地者雖得宵人必歸於士、而後可正其罪、以刑官掌之、則隨時隨地可以搏執撻戮、而禁令無壅矣、凡事物之禁皆屬刑官、職此之由、

司寤氏

盜賊姦宄多乘夜竊發、故以刑官司寤、王幾至虞、而所設僅下士二人、徒八人者、守涂地者各

有夜士干掬司寤氏不過詔之以禁禦耳人  
皆寐而獨寤分時以令干掬然後閭闔得安寢  
也

司烜氏

易曰日以烜之荀本作烜取火於日故以司烜  
名官不必易爲煨秋氣最清取水於月當秋帝  
明潔凡祭祀明水之用爲多故屬秋官而並掌  
夫遂以共明火也明水可積日而取之以待用  
若祭之日天適沈陰必不能取火於日豈亦當

秋陽正烈之日、傳火於荆薪、畜之以待更然、故於司燿之外、別設此職、而禋祀五帝之明水火、必大司寇奉之與、

### 條狼氏

韓愈文有荒不除、義遵注疏、但此職掌王公之趨辟、師中之誓命、絕無道除不蠲之義、蓋令野脩道者、遂人巡道、脩者遂師、則除不蠲乃彼二職事也、當以鄭氏鐸之說爲正、注所謂狼扈道上、亦可通、乃賈疏失其意耳、春秋傳扈民無淫、

注扈止也古者雖若出不預止行者備近而後  
辟之狼戾之人或慢止道上而不肯早辟故使  
八人先路執鞭以辟之

冥氏

猛獸且晝多伏藏設弧張爲阱獲每以暮夜昏  
冥之時而得之故以名其官

穴氏

害人之物莫酷於猛獸故首冥氏以攫噬莫之  
能避也蠱毒次之其發較遲而死傷則一也穴



氏又次之、雖摯獸而伏藏、遭之者尙希、翼氏已下、則無關於軀命矣、

薙氏

柞氏薙氏、通言攻木殺草之法、蓋掌苑圃山林、及公家園圃之官、而使民取法焉、知然者、以掌凡攻木殺草之政令也、陳氏汲專主苑圃義、已不該、而謂山林自有虞衡掌、此則誤矣、二職絕無柞薙之事、薙氏下士僅二人、而柞氏八人、正以兼掌山林園圃、攻木之事繁多耳、

翦氏

蠹物雖無傷於人而害甚廣故先之狸蟲雖整人而遇者希故後之

銜枚氏

大刑以征伐銜枚氏所掌本軍旅田役而旁及道路之鞮譁故屬秋官大祭祀謂郊壇亦禁道喧也

伊耆氏

藏記伊耆氏始爲蜡制葦籥土鼓亦猶隸首造

數谷成造。匪蒼頡作書之類耳。

大行人

賓客之事而掌以刑官之屬何也。鄉飲酒義。天地嚴凝之氣。始於西南而盛於西北。賓者以義接人者也。又古者天子之於諸侯。迎送揖讓。皆以賓主之禮。和之過則慮其無辨。故以刑官掌之。詩曰。彼交匪紆。天子所予。又曰。彼交匪敖。萬福來求。蓋必其道各盡。而後君臣之恩義可常保也。

掌訝

設官之數與訝士同以賓客四面而至送逆之事必偕也府史胥徒則省半焉蓋以訝士兼受四方之獄訟

掌交

小行人辨五物各爲一書以反命於王則巡觀侯國而究察之明矣而復設掌交以巡邦國何也掌交積日累月以得其禮俗政事利害顛逆饑饉苦樂悖逆和親之迹然後小行人之出可

掌察

周諮詢度按實而別其類也。小行人四人二人  
留治官中事當巡  
行之歲二人分出所至之國淹留不過旬日  
非平日具得其事迹安能倉猝而立定乎

掌交之末備列九稅九禮九牧九禁九戎之論  
則所以馭邦國者畢矣。掌察以下七官皆馭都  
家之法也。其職曰掌察四方。謂王畿四面之都  
鄙各以二人掌察也。方士掌都家獄  
訟亦每方四人蓋官中之  
刑獄則層累而察之者精矣。其禁令則分掌而  
察之者詳矣。賓客之禮事無所用其察。至於六

服之國治教禮政刑事之大者則王及六官之  
長貳察之其民情土俗之小者則行夫小行人  
察之無爲別設一官且其事紛放亦非中士八  
人所能坐察也。所察宜主官吏之賢愚祿爵之  
當否蓋都家之賦貢則掌貨賄之所司祭祀禮  
俗刑賞田役則朝大夫之政令都則家則之職  
守具矣。

掌貨賄

此掌都家列於九賦之貨賄也。蓋天官之勾稽

供具地官之政教禁令施則於都家使遵守之、  
無所用王官而其農田之所入或留爲委積以、  
待賑發。見遺人職或輸於王朝以待九式。見大府職其餘  
職之貨賄財物亦或輸王朝或留本邑宰夫所、  
攷羣都縣鄙之財用是也其存貯也則有燥溼  
朽蠹之虞其出用也則有調發轉移之節故每  
方各設下士四人以掌之以備或留而鈎攷或  
出而巡視也司貨賄宜屬地官而設於秋官何  
也貨賄出納乾沒抵冒姦蠹易生以刑官之屬

掌之隨時糾詰捕治所以懾威姦宄

朝大夫

此職府史之下有庶子而無胥何也世祿之家  
鮮克由禮其有教令事故非胥徒所能呼召也  
故即用都家之庶子供胥之役庶子列府史下  
而別無胥役知之蓋以胥掌事恐都家之子弟或有拒違以  
都家之庶子爲之則細民奉法惟謹矣朝大夫  
朝夕聽事於王朝故庶子從而治叙焉其徵令  
則使徒達之都家之司馬掌士庶子車馬兵甲



之戒令而設胥如他職何也。軍政也。師都且親帥焉。豈慮其玩忽乎。傳曰。盡小者大。治周宮者當於此類求之。

都則

八則雖殞而遵守之誠奉行之善。不可以不辨也。故設職於都家以收之。朝大夫必朝夕王朝。而後可聽事。以達政令。都則必分置於其國家。亦式焉。而後可守典。以覈僭差事。各有宜也。

都士

治職教職絕無治都家之官以治教二典王畿  
侯國所通行也禮樂征伐威福必自天子出不  
惟諸侯擅命必加九伐卽卿大夫之私邑亦必  
使王官掌之故春官則設都宗人家宗人夏官  
則設都司馬家司馬而獄訟放紛旣設方士於  
王朝又設都士家士與有地守者共治之所以  
謹其操柄以防冒濫也刑官之屬設於都家  
者較禮職政職爲多然列職八而闕者蓋五焉  
其故何也都家之禮樂刑政皆以王官掌之乃

聖王安上全下之至德要道而衰世之人情不  
便也是故諸侯放恣封域并兼經界改易惡民  
之疾其暴亂也宮室崇侈車服僭踰恐民之議  
其悖傲也而司空之職亡軍制擅增車徒毀列  
惡民之怨其殘逞也而小司馬與司馬行司馬  
之職闕逮至齊晉魯衛宋鄭皆有強家逆臣貢  
賦自專刑威自斷惡民之知有君也而掌察掌  
貨賄都則都士家士之職闕惟方士之上獄訟  
朝大夫之達政令則田氏未篡三晉未分已前

亦不能盡廢其故常。且君不能專決而於已無害也。故二職之籍猶未去耳。禮職之無闕何也。禮之大經、迹難盡泯、所惡於害已者、乃條理之精詳而不可踰越者耳。禮典所載、皆大經也。其條理之精詳者、則具在司空之籍矣。羣司馬之職亡、而大司馬班爵祿之籍亦亡、而孟子猶聞其畧、比類以觀、則知惡其害已而去其籍、乃百世不易之定論矣。秋官卿大夫上士共三十人、而中士下士四百有二人、蓋位卑則不敢

怙勢以枉人職分乃易於悉心以體物也。王  
氏與之謂先王議事以制不爲刑辟無取乎書  
契之藏秋官之府不宜多至七百餘人非也。惟  
獄訟之要不得不詳具而久藏蓋上下比罪不  
可無攷於前聽斷失中尙或有反於後故都家  
獄訟之成士師並書其聽獄訟者而况司盟之  
載書司約之約劑大司寇所獻之民數士師所  
掌合聯之簡稽荒辨之法大小行人司儀掌客  
所掌賓客之禮籍小行人所獻六服邦國之事

書視五官已倍加且朝大夫都則都士每國而有之。府安得不再倍於諸職哉。聖人制法非求以事理之實不可妄議也。